

《佛說無量壽經》 補充講表

◎附表二十一：以下糅合《佛說無量壽經甄解》

○以大莊嚴具足眾行，令諸眾生功德成就。

※大莊嚴者，即福智二莊嚴已成就故，備施等眾聖行也；以己所修利眾生故，令眾功德成。

○棄國捐王，絕去財色，自行六波羅密，教人令行。

「棄國捐王，絕去財色」：明身業莊嚴。法藏比丘發心後，生生世世或作國君，見可度機，則棄國位，或舍財寶等，或舍妻子等，其舍國城妻子等是外財，棄頭目髓腦等是內財，今舉外財攝內財，財是財寶也，色謂色欲。

○隨其生處，在意所欲，無量寶藏自然發應。教化安立無數眾生，住於無上正真之道。

《唐譯》云：「所生之處，有無量億那由他百千伏藏，自然湧出。復令無量無數不可思議無等無邊諸眾生類，安住阿耨菩提。」

※寶藏：所謂伏藏也。雖生何處，而任意寶藏自然開發，應其所欲，故云：『自然發應』。此乃菩薩於多劫積布施持戒等功德，故自感寶藏湧出，應其德。

※其自然開發者，由菩薩多劫之功勳而應今所欲也，如文殊出生時，出七珍或湧伏藏。

○其手常出無盡之寶

唐譯本《無量壽如來會》云：「又得諸資具自在波羅蜜多，一切服用周遍無乏，所謂諸寶

香花、幢幡、繒蓋、上妙衣服、飲食、湯藥，及諸伏藏珍玩，所須皆從菩薩掌中自然流出，身諸毛孔流出一切人天音樂，由是因緣，能令無量無數不可思議諸眾生等，安住阿耨多羅三藐三菩提。」

○如是等事，超諸天人

如是身業妙用、寶手業用等，實是大菩薩不可思議之妙用，非人天之所知，故云：「超諸天人」耳。

○於一切法，而得自在。

即是願成作佛義也。所以者何？法藏菩薩於世自在王佛所，出家發心，求世間自在之果而發願起行，今言『於一切法，而得自在』，成就世自在王之果故也。

○阿難白佛：法藏菩薩，為已成佛而取滅度？為未成佛？為今現在？

《唐譯》云：「世尊！彼法處菩薩成菩提者，為過去耶？為未來耶？為今現在他方世界耶？」

○法藏菩薩，已成佛，現在西方，去此十萬億剎，其佛世界，曰安樂。

《唐譯》云：「佛告阿難：西方去此十萬億佛剎，彼有世界，名曰極樂，法藏比丘在彼成佛，號無量壽，今現在說法，無量菩薩及聲聞眾，恭敬圍繞。」

《宋譯》云：「彼佛如來，來無所來，去無所去，無生無滅，非過現未來，但以酬願（滿所發之願）度生，現在西方。」

○其佛國土，自然七寶，

此珍寶顯現性德，故非世所有，故云「自然七寶」也。《佛地論》云：『就此所重且說七寶，其實淨土，無量妙寶以綺飾莊嚴。』如第三十二願（國土嚴飾）

○恢廓曠蕩，不可限極，悉相雜廁，轉相間入。《往生論》云：「究竟如虛空，廣大無邊際。」

※「恢廓曠蕩，不可限極」：恢，大也，廓亦大也。曠，廣大也，蕩蕩，大也。蕩蕩，廣平貌，此乃「究竟如虛空，廣大無邊際」，量功德之相也。

※「悉相雜廁，轉相間入」：廁，雜也。（《琳音》）《廣雅》：廁，間也，間亦雜也。一一莊嚴，一寶中相入無量寶，互相參間錯相入，具無邊光色也，此明莊嚴之相。

※「一切世界眾寶中精」：凡物之純至曰「精」。於眾寶中最精美者，即超諸佛剎最為精者。

※「其寶猶如第六天寶」：既超踰十方諸佛國，豈類同于他化自在天寶乎！近示一切樂事自然現前而已，故《吳譯》云：「欲有所得，即自然在前，所不用者，即自然去，比如

第六天上自然之物。」